



## **Universitätsbibliothek Paderborn**

**In Amos, Abdiam, Et Ionam Prophetas, Commentarij  
Francisci Lamberti Auenionensis**

**Lambert, François**

**Argentorati, 1525**

**VD16 B 3868**

Pars Tertia. Tertio, de uento in mare à Deo misso, & periculo nauis, ac  
proinde Ionæ & aliorum afflictione.

**urn:nbn:de:hbz:466:1-35983**

**COMMENTAR. CAPVT. I.** 110

temp per temetipsum obsecro, ne me repellas à pueris tuis,  
ut in me extingucas & mortifices, que carnis sunt, & me  
in teipso perficias. Et nūquam sinas me aberrare animo,  
ab immaculatis uis tuis. Quid autem spectat, ad ministe-  
riū uerbi tui, ad quod me uocare dignatus es, da scruo tuo  
spiritum, quo uere ac sancte scribat & doceat sermones  
tuos, & impedi me, ne unquam aliena ab ipso spiritu do-  
ceam, Amen.

**P A R S T E R T I A.**

**D**ominus autem misit uentum magnum in  
mare, & facta est tempestas magna in mari,  
& nauis periclitabatur conteri. Et timuerunt  
nautæ, & clamauerunt uiri ad Deum suum,  
& miserunt uasa, quæ erant in naui in mare,  
ut adleuiaretur ab eis. Et Ionas descendit ad  
interiora nauis, & dormiebat sopore graui.  
Et adcessit ad eum gubernator, & dixit ei.  
**Q**uid tu sopore deprimeris? Surge, et inuo-  
ca deum tuū si forte recognitet deus de nobis,  
& non pereamus.

**N**on potuit Ione cogitatio irritare proposū Dei,  
tam de eo seruando, quam de eo quod uolebat illū  
iniuitis prædicare. Periſſet autem proculdubio,  
nisi Deus illum ab errore reuocasset. Proutc cum fugien-  
tem maris

**F R A N C . L A M B . I N I O N A M**

tem maris tempestate percussit, ut resipisceret. Resipuit uero tactus externe flagello, & interne spiritu sancto. Nam flagella sine spiritu, non salutem, sed desperationem adferunt. Factumq; est hac graui maris tempestate, ut & Propheta corriperetur, & nautæ uiderent potentiam dei excelsi. Igitur misit Deus uentum magnum in mare, & tempesta magna exorta fuit, ita ut nauis periclitaretur. Tamq; subito uenit ipsa tempesta, & ut Iudei adserunt, in eam solam nauim, cum aliæ multæ non longe eßent, sine tempestate, ut nullus non aduerteret, Dei manu eam tantum nauim uelle concutere, in qua Jonas erat.

Expauerunt propterea nautæ, & clamauerūt omnes, qui erant in naui, unusquisq; ad Deum suum, ad idolum suum. Quid, obsecro, minus faciunt hodie, & fecerunt haec tenuis omnes, quos Antichristi factio seduxit? Nonne habet quisq; deos suos, & idola sua? Dei autem, à quo est salus, obliuiscuntur. Vouent ad idolum beatæ uirginis, aut alterius sancti, quod in isto uel in alio loco habetur, & Deum non inuocant, namq; Aduocatum & Mediatorem nostrum dominum E S V M Christum, floccipendunt. Sed non seruant idola, se precantes, sicut neq; seruarunt nautas prescriptos, dicit eorum. At dices, innumerā signa facta sunt, ex id genus inuocationibus diuorum, ut ex compluribus historijs est uidere. Respon: Deum simplicitatem fidei non nullorum respexisse, alios autem dignos iudicasse, ut id genitus prodigijs magis in errore firmarentur. Hec sunt prodigia & signa mendacia, de quibus Dominus mcmix.

Matth.

COMMENTAR. CAPVT I.

111

**N**ath. 24. & Marc. 13. de his nonnulla scripsimus, libro  
de causis excæcationis, tractatu.s. cap. 12.

Videntes postmodum, quām nihil proficeret eis suorū  
idolorum inuocatio, nauem adleuauerunt multis: **I**onam  
quoque dormientem excitarunt, præcipientes, ut Deum  
suum precaretur, ne disperirent. **Q**uid cause fuit ionae,  
ut descendet in navis interiora, ad dormiendum? **N**esci-  
uit, quod curta foret eius dormitio. **N**ouit Deus excitare  
sopore depresso. Putabat forsan, se sic euasurum, quod  
Deus ab eo fieri prædefinierat. Sed non est sapientia, non  
est cogitatio, non est consilium aduersus Dominum. **E**xci-  
tatur ergo, indubie territus cum alijs. **C**ognovit Dei ma-  
num, quem precabatur, ut cessaret ab eis mare, & nō ex-  
audiebatur, quod non ex fide, & peccator erat. **S**cimus  
autem, quia Deus peccatores, incredulos scilicet, & uer-  
bo suo contradicentes non exaudit. **I**oan. 1. **I**nterea sem-  
per inflabatur & ibat mare, & navis in horas & momē-  
ta magis periclitabatur, nec cessauit, donec is propter quē  
orta fuit ipsa tempestas, & deprehensus, & in mare pro-  
iectus fuit.

P A R S Q V A R T A.

**E**t dixit uir ad collegam suum: **M**ittamus  
sortes, & sciamus, quare hoc malū sit nobis.  
**E**t miserunt sortes, & cecidit fors super **I**onā.  
**N**on